



বিশেষ ক্রোড়পত্র

২ ডিসেম্বর, ২০১৬

পার্বত্য চট্টগ্রাম চুক্তির ১৯ বছর পূর্তি

শান্তি সম্প্রীতি ও উন্নয়নের অভিযাত্রা সফল হোক

পার্বত্য চট্টগ্রাম বিষয়ক মন্ত্রণালয়

www.mochta.gov.bd



بِسْمِ اللَّهِ الرَّحْمَنِ الرَّحِيمِ



রাষ্ট্রপতি
গণপ্রজাতন্ত্রী বাংলাদেশ
ঢাকা।
১৮ অগ্রহায়ণ ১৪২৩
০২ ডিসেম্বর ২০১৬

বাণী

পার্বত্য শান্তি চুক্তি স্বাক্ষরের ১৯ বছর পূর্তি উপলক্ষে পার্বত্য চট্টগ্রাম বিষয়ক মন্ত্রণালয় বিভিন্ন কর্মসূচির মাধ্যমে দিবসটি পালন করছে যেনে আমি আনন্দিত।

বাংলাদেশের তিন পার্বত্য জেলা খাগড়াছড়ি, বান্দরবান এবং রাঙ্গামাটি নৈসর্গিক সৌন্দর্যের অপার আধার। যুগ যুগ ধরে বিভিন্ন জনগোষ্ঠী এ অঞ্চলে বসবাস করে আসছে। তাদের ভাষা, কৃষ্টি ও সংস্কৃতি এ অঞ্চলকে বিশেষভাবে বৈশিষ্ট্যমণ্ডিত করেছে। পার্বত্য জেলাগুলোর আর্থ-সামাজিক উন্নয়ন ও শান্তি প্রতিষ্ঠার লক্ষ্যে ১৯৯৭ সালের ২ ডিসেম্বর তৎকালীন প্রধানমন্ত্রী শেখ হাসিনার আন্তরিকতায় ও উদ্যোগে সরকার কর্তৃক গঠিত পার্বত্য চট্টগ্রাম বিষয়ক জাতীয় কমিটি ও পার্বত্য চট্টগ্রাম জনসংহতি সমিতির মধ্যে এক ঐতিহাসিক চুক্তি স্বাক্ষরিত হয়। এর ফলে পার্বত্য জেলাসমূহে দীর্ঘদিনের সংঘাতের অবসান ঘটে। সূচিত হয় শান্তির পথচলা। শান্তিপূর্ণভাবে বিরোধ নিষ্পত্তির ক্ষেত্রে এটি একটি উজ্জ্বল দৃষ্টান্ত।

শান্তি চুক্তি বাস্তবায়নের ধারাবাহিকতায় গঠিত হয় পার্বত্য চট্টগ্রাম বিষয়ক মন্ত্রণালয় এবং পার্বত্য চট্টগ্রাম আঞ্চলিক পরিষদ। আমি বিশ্বাস করি শান্তি চুক্তির মাধ্যমে পার্বত্য চট্টগ্রাম অঞ্চলের মানুষের আর্থ-সামাজিক ও সাংস্কৃতিক উন্নয়ন ত্বরান্বিত হচ্ছে। পার্বত্য জেলাসমূহের উন্নয়ন সম্ভাবনাকে কাজে লাগাতে এবং প্রিয় মাতৃভূমির উন্নয়নে আমি দলমত নির্বিশেষে সকলকে একযোগে কাজ করার আহ্বান জানাই।

আমি পার্বত্য শান্তি চুক্তি স্বাক্ষরের ১৯ বছর পূর্তি উদযাপন উপলক্ষে গৃহীত সকল কর্মসূচির সফলতা কামনা করি।

খোদা হাফেজ, বাংলাদেশ চিরজীবী হোক।

মোঃ আবদুল হামিদ

পার্বত্য চট্টগ্রাম শান্তি চুক্তির ১৯ বছর রমা রাণী রায়

২ ডিসেম্বর ১৯৯৭ সাল। প্রাকৃতিক সৌন্দর্য ও সাংস্কৃতিক বৈচিত্র্যের লীলাভূমি পার্বত্য চট্টগ্রামে প্রায় দুই যুগ ধরে চলমান সশস্ত্র ও রক্তক্ষয়ী সংঘর্ষের অবসানে একটি ঐতিহাসিক চুক্তি স্বাক্ষরিত হয়। সূচনা হয় পার্বত্য চট্টগ্রামে শান্তি ও উন্নয়নের নবযাত্রা। পার্বত্য অঞ্চলের সকল নাগরিকের রাজনৈতিক, সামাজিক, সাংস্কৃতিক, শিক্ষা ও অর্থনৈতিক অধিকার সংরক্ষণ ও উন্নয়নের লক্ষ্যে বাংলাদেশের রাষ্ট্রীয় সার্বভৌমত্ব ও অখণ্ডতার প্রতি পূর্ণ আস্থা রেখে গণপ্রজাতন্ত্রী বাংলাদেশ সরকারের পক্ষে 'পার্বত্য চট্টগ্রাম বিষয়ক জাতীয় কমিটি' এবং 'পার্বত্য চট্টগ্রাম জনসংহতি সমিতি'র মধ্যে এই ঐতিহাসিক চুক্তি স্বাক্ষরিত হয় যা দেশে এবং আন্তর্জাতিক পরিমন্ডলে পার্বত্য চট্টগ্রাম শান্তি চুক্তি নামে পরিচিত এবং সমাদৃত।

পার্বত্য অঞ্চলের দীর্ঘ দিনের চলমান সংঘাতকে রাজনৈতিক সমস্যা হিসেবে চিহ্নিত করে রাজনৈতিকভাবে সমাধানের উদ্যোগ গ্রহণ করা হয়। তৎকালীন মাননীয় প্রধানমন্ত্রী বঙ্গবন্ধু কন্যা জননেত্রী শেখ হাসিনার রাজনৈতিক প্রজ্ঞা, বিচক্ষণতা এবং দূরদৃষ্টিসম্পন্ন নেতৃত্বে জাতীয় সংসদের চীফ হুইপ জনাব আবুল হাসনাত আবদুল্লাহকে প্রধান করে পার্বত্য চট্টগ্রামে বিরাজমান সমস্যা সমাধানের লক্ষ্যে পার্বত্য চট্টগ্রাম বিষয়ক জাতীয় কমিটি গঠন করা হয়। পার্বত্য চট্টগ্রামে স্থায়ী শান্তি প্রতিষ্ঠার দায়িত্ব নিয়ে উক্ত কমিটি সশস্ত্র আন্দোলনরত পার্বত্য চট্টগ্রাম জনসংহতি সমিতির সাথে তাদের দাবী দাওয়া বিষয়ে দ্বিপাক্ষিক অনেকগুলি বৈঠক অনুষ্ঠানের মাধ্যমে কোন তৃতীয় পক্ষের মধ্যস্থতা ছাড়াই একটি সমঝোতা স্মারক উপনীত হন। এরই ফসল হিসাবে মাননীয় প্রধানমন্ত্রী শেখ হাসিনার উপস্থিতিতে শান্তির সনদ পার্বত্য চট্টগ্রাম বিষয়ক জাতীয় কমিটির সাথে পার্বত্য চট্টগ্রাম জনসংহতি সমিতির চুক্তি স্বাক্ষরিত হয়। ফলশ্রুতিতে পার্বত্য চট্টগ্রামের দীর্ঘ প্রায় দুই যুগের সংঘাতের অবসান ঘটে এবং তামাটে পাহাড়ের গায়ে সবুজ তরুণতা ও গাছপালার অঙ্কুরোদগম হয়। পাহাড় থেকে পাহাড়ে বয়ে যায় শান্তির সুবাস এবং সহজ-সরল পাহাড়ী মানুষের মনে জেগে উঠে শান্তি ও স্বস্তির আশ্বাস। দীর্ঘ দিনের গোলা বারুদের গন্ধমুক্ত বাতাসে পার্বত্যবাসীর নিঃশ্বাস নেয়ার সুযোগ সৃষ্টিকারী এই চুক্তি পার্বত্য চট্টগ্রাম শান্তি চুক্তি নামে বাংলাদেশের ইতিহাসে একটি স্মরণীয় স্থান দখল করেছে। আন্তর্জাতিক পর্যায়েও চুক্তিটি বিপুল প্রশংসা কুড়িয়েছে।

চুক্তি স্বাক্ষরের পরবর্তী ধাপে ১৯৯৮ সালের ১০ ফেব্রুয়ারী খাগড়াছড়ি স্টেডিয়ামে এক আড়ম্বরপূর্ণ অনুষ্ঠানে জনসংহতি সমিতির সভাপতি জনাব জ্যোতিরিন্দ্র বোধিস্থির লারমা (সন্ত লারমা) তৎকালীন মাননীয় প্রধানমন্ত্রী জননেত্রী শেখ হাসিনার হাতে আনুষ্ঠানিকভাবে অস্ত্র সমর্পণ করে শান্তি ও হানাহানির পথ ছেড়ে শান্তি, সম্প্রীতি এবং অগ্রগতির অভিযাত্রা সামিল হন।

শান্তি চুক্তি বাস্তবায়নের অংশ হিসেবে বিদ্যমান আইনসমূহ সংশোধন করে তিনটি জেলা পরিষদকে বহুলাংশে শক্তিশালী করা হয়েছে, পার্বত্য চট্টগ্রাম আঞ্চলিক পরিষদ গঠন করা হয়েছে, শরণার্থী প্রত্যাবাসন ও পুনর্বাসন এবং অভ্যন্তরীণ উদ্বাস্ত নিদ্রিষ্টকরণ ও পুনর্বাসন সংক্রান্ত টাস্কফোর্স গঠন করা হয়েছে। সৃষ্টি করা হয়েছে পার্বত্য চট্টগ্রাম বিষয়ক মন্ত্রণালয়। সাংবিধানিক কাঠামোর মধ্যে থেকেই স্থানীয় পর্যায়ে জনপ্রতিনিধিত্বশীল প্রশাসনিক কাঠামো গড়ে তোলা হয়েছে। ফলে পার্বত্য চট্টগ্রামের মানুষের জীবন যাত্রার মানোন্নয়নে এক নবযাত্রার শুভ সূচনা হয়েছে। উত্তম পাহাড়ের যে সকল পরিবার শরণার্থী হয়েছিল পার্বর্তী দেশে, তারা ফিরে আসে মাতৃভূমিতে, তাদের পূর্ববাসন করা হয় প্রয়োজনীয় এবং প্রতিশ্রুতি সুযোগ সুবিধাসহ। পার্বত্য অঞ্চলের প্রধান সমস্যা ভূমি বিরোধ নিষ্পত্তির জন্য ভূমি বিরোধ নিষ্পত্তি কমিশন গঠিত হয়, পরবর্তীতে ভূমি বিরোধ নিষ্পত্তি কমিশন আইন ২০০১ এর কতিপয় ধারা সংশোধনপূর্বক ভূমি বিরোধ নিষ্পত্তি কমিশন আইন ২০০১ এর সংশোধনী বিল মহান জাতীয় সংসদে পাস করা হয়েছে। শান্তি চুক্তির শর্তনুযায়ী চুক্তির ৭২টি ধারার মধ্যে ইতোমধ্যে ৪৮টি ধারা সম্পূর্ণ, ১৫টি ধারা আংশিক এবং অবশিষ্ট ৯টি ধারার বাস্তবায়ন কার্যক্রম চলমান আছে। বিশেষভাবে উল্লেখ্য, ইতোমধ্যে সরকারের বিভিন্ন মন্ত্রণালয়ধীন ৩০টি বিভাগ/বিষয় রাঙ্গামাটি পার্বত্য জেলা পরিষদে, ৩০টি বিষয়/বিভাগ খাগড়াছড়ি পার্বত্য জেলা পরিষদে এবং ২৮টি বিভাগ/বিষয় বান্দরবান পার্বত্য জেলা পরিষদে হস্তান্তরিত হয়েছে। বর্ণিত বিভাগ/বিষয়গুলো হস্তান্তরের মাধ্যমে তিন পার্বত্য জেলা পরিষদের কর্মপরিসর বহুলাংশে বৃদ্ধি পেয়েছে এবং পার্বত্য মানুষের জন্য সেবা প্রাপ্তির স্থান নিকটবর্তী ও সহজলভ্য হয়েছে। তিন পার্বত্য জেলার উন্নয়ন কর্মকান্ড এবং প্রশাসনিক বিষয়াদি তদারকির দায়িত্ব রয়েছে পার্বত্য চট্টগ্রাম আঞ্চলিক পরিষদের উপর। গণপ্রজাতন্ত্রী বাংলাদেশ সরকারের মাননীয় প্রধানমন্ত্রীর আন্তরিক প্রচেষ্টা, পার্বত্যবাসীর প্রতি উদার ও ধর্মনিরপেক্ষ সহানুভূতিশীল দৃষ্টিভঙ্গি পার্বত্য এলাকার শান্তি ও উন্নয়নের অভিযাত্রা গতিময়তা পেয়েছে। আমরা আশাবাদী পার্বত্য এলাকার শান্তির পরিবেশ আরো সুসংহত হবে এবং অদূর ভবিষ্যতে এ অঞ্চল হবে শান্তি ও উন্নয়নের রোল মডেল।

লেখকঃ অতিরিক্ত সচিব, পার্বত্য চট্টগ্রাম বিষয়ক মন্ত্রণালয়



بِسْمِ اللَّهِ الرَّحْمَنِ الرَّحِيمِ



প্রধানমন্ত্রী
গণপ্রজাতন্ত্রী বাংলাদেশ সরকার
১৮ অগ্রহায়ণ ১৪২৩
০২ ডিসেম্বর ২০১৬

বাণী

পার্বত্য চট্টগ্রাম শান্তি চুক্তির ১৯ বছর পূর্তি উপলক্ষে আমি পার্বত্য চট্টগ্রামবাসীসহ দেশবাসীকে শুভেচ্ছা জানাচ্ছি।

পার্বত্য চট্টগ্রাম অঞ্চলের দীর্ঘদিনের সংঘাতময় পরিস্থিতি নিরসনের লক্ষ্যে ১৯৯৭ সালের ২রা ডিসেম্বর তৃতীয় পক্ষের মধ্যস্থতা ছাড়াই আওয়ামী লীগ সরকার ও পার্বত্য চট্টগ্রাম জনসংহতি সমিতির মধ্যে এই ঐতিহাসিক চুক্তি স্বাক্ষরিত হয়। বিশ্বে এটি একটি বিরল ঘটনা। সর্বকালের সর্বশ্রেষ্ঠ বাঙালি, জাতির পিতা বঙ্গবন্ধু শেখ মুজিবুর রহমান সর্বপ্রথম আধুনিকতার ছোয়া বিবর্জিত পশ্চাৎপদ পার্বত্য জনগোষ্ঠীকে উন্নয়নের মূলধারায় ফিরিয়ে আনেন। তাদের ভাগ্যোন্নয়নে নানামুখী কর্মসূচি গ্রহণ করেন। আঞ্চলিক উন্নয়নের পাশাপাশি শিক্ষাক্ষেত্রে পাহাড়ি ছাত্র-ছাত্রীদের সম-সুযোগ প্রদানের ব্যবস্থা নেন। এ লক্ষ্যে জাতির পিতা ১৯৭৩ সালে কলেজ, বিশ্ববিদ্যালয় ও কারিগরি প্রতিষ্ঠানসমূহে পাহাড়ি ছাত্র-ছাত্রীদের জন্য সুনির্দিষ্ট আসন সংরক্ষণের জন্য নির্দেশনা প্রদান করেন।

১৯৭৫ পরবর্তী সরকারগুলো পার্বত্য অঞ্চলের সামাজিক স্থিতিশীলতা বজায় রাখার পরিবর্তে নিজেদের স্বার্থ চরিতার্থ করার জন্য বাঙালি-পাহাড়ি জনগোষ্ঠীর মধ্যে বিভেদ সৃষ্টি করে। খুন, রাহাজানি, অন্যের সম্পদ জবরদখল এবং রাষ্ট্রীয় সম্পদের অপব্যবহারের মাধ্যমে এ অঞ্চলকে আরও অস্থিতিশীল করে তোলে। এমনি প্রেক্ষাপটে পার্বত্য চট্টগ্রাম শান্তি চুক্তি দেশের অখণ্ডতা ও জাতীয় সার্বভৌমত্ব রক্ষার লক্ষ্যে একটি সুদূরপ্রসারী পদক্ষেপ হিসেবে সর্বমহলে প্রশংসিত হয়।

পার্বত্য চট্টগ্রাম শান্তি চুক্তির মাধ্যমে এ অঞ্চলের দীর্ঘদিনের জাতিগত হানাহানি বন্ধ হয়। অনগ্রসর ও অনুন্নত পার্বত্য অঞ্চলে প্রতিষ্ঠিত হয় শান্তি ও উন্নয়নের ধারা। ইউনেস্কো শান্তি পুরস্কার অর্জন এই চুক্তির আন্তর্জাতিক স্বীকৃতির স্মারক।

আওয়ামী লীগ সরকার শান্তি চুক্তির আলোকে এ অঞ্চলের সার্বিক উন্নয়নের জন্য নিরলসভাবে কাজ করে যাচ্ছে। আমরা পার্বত্য চট্টগ্রাম বিষয়ক মন্ত্রণালয় ও পার্বত্য চট্টগ্রাম জেলা পরিষদ গঠন করেছি। আমাদের সরকার এ অঞ্চলের শিক্ষা, স্বাস্থ্য, বিদ্যুৎ, যোগাযোগ, অবকাঠামো, মোবাইল নেটওয়ার্কসহ সকলখাতের উন্নয়নে ব্যাপক কর্মসূচি বাস্তবায়ন করেছে। আমরা পাহাড়ি জনগণের শিক্ষা ও স্বাস্থ্যের মানোন্নয়নে রাঙ্গামাটিতে একটি বিজ্ঞান ও প্রযুক্তি বিশ্ববিদ্যালয় এবং একটি মেডিকেল কলেজ প্রতিষ্ঠা করেছি। ভূমি বিষয়ক বিরোধ নিষ্পত্তির উদ্যোগ গ্রহণ করা হয়েছে। বোর্ডের কার্যক্রম আরও গতিশীল ও সুসংগঠিত করার লক্ষ্যে আমাদের সরকার পার্বত্য চট্টগ্রাম উন্নয়ন বোর্ড অধ্যাদেশ, ১৯৭৬ বাতিল করে পার্বত্য চট্টগ্রাম উন্নয়ন বোর্ড আইন, ২০১৪ প্রণয়ন করেছে। আমরা এই বোর্ডের বরাদ্দ বহুগুণে বৃদ্ধি করেছি। পার্বত্য জেলাসমূহের নৈসর্গিক সৌন্দর্য সমুন্নত রাখা ও পর্যটন শিল্পের প্রসারেও আমরা বিভিন্ন উদ্যোগ নিয়েছি। আমাদের সময়েচিত উদ্যোগ গ্রহণের ফলে আজ পার্বত্য জেলাসমূহ কোন পিছিয়ে পড়া জনপদ নয়। দেশের সার্বিক উন্নয়ন অগ্রযাত্রায় এ অঞ্চলের জগণগ সম-অংশীদার।

২০০১ সালে ক্ষমতায় এসে বিনো-জামাত জোট সরকার ঐতিহাসিক এই চুক্তির চরম বিরোধিতা করে পার্বত্য অঞ্চলকে পুনরায় অস্থিতিশীল করতে চেয়েছিল। তাদের এ হীন উদ্দেশ্য সফল হয়নি। আমরা পার্বত্য চট্টগ্রামসহ দেশের সর্বত্র শান্তি বজায় রাখতে বদ্ধপরিকর।

আমি আশা করি, সকলের সম্মিলিত প্রচেষ্টায় পার্বত্য চট্টগ্রাম অঞ্চলের মানুষের আর্থ-সামাজিক উন্নয়নের মাধ্যমে আমরা বাংলাদেশকে একটি সুখী-সমৃদ্ধ শান্তিপূর্ণ দেশ হিসেবে গড়ে তুলতে সক্ষম হবে।

আমি পার্বত্য শান্তি চুক্তির পূর্ণ বাস্তবায়নে সকলের সহযোগিতা কামনা করছি।

জয় বাংলা, জয় বঙ্গবন্ধু
বাংলাদেশ চিরজীবী হোক।

শেখ হাসিনা



بِسْمِ اللَّهِ الرَّحْمَنِ الرَّحِيمِ



সংসদ উপনেতা
বাংলাদেশ জাতীয় সংসদ

বাণী

ঐতিহাসিক পার্বত্য শান্তি চুক্তি স্বাক্ষরের ১৯ বছর পূর্তিতে আমি পার্বত্যবাসীকে আন্তরিক অভিনন্দন ও শুভেচ্ছা জানাচ্ছি। এই অঞ্চলকে নিয়ে বিভিন্ন গোষ্ঠী বিভিন্ন সময়ে তাদের নিজ স্বার্থ চরিতার্থ করার প্রয়াস পেয়েছে। তারা সেখানে শান্তির পরিবর্তে অশান্তি, আলোচনার পরিবর্তে অস্ত্রের বনবনানি আর সাম্প্রদায়িক সংঘাতকে উসুকে দিয়েছে বার বার। এমনি এক সংঘাতময় পরিস্থিতিতে ১৯৯৭ সালের ০২ ডিসেম্বর মাননীয় প্রধানমন্ত্রী জননেত্রী শেখ হাসিনার যোগ্য নেতৃত্বের ফলে স্বাক্ষরিত এ চুক্তি পার্বত্য অঞ্চলে শান্তি প্রতিষ্ঠায় অগ্রণী ভূমিকা পালন করে চলেছে।

শান্তি চুক্তি বাস্তবায়ন কমিটি পার্বত্য শান্তি চুক্তির পূর্ণ বাস্তবায়নে কাজ করে যাচ্ছে। বিগত বিনো-জামাত জোট সরকার ও তত্ত্বাবধায়ক সরকারের আমলে শান্তি চুক্তি বাস্তবায়নে অনগ্রহ ও নিক্ষেপতার কারণে যে স্থবিরতা সৃষ্টি হয়েছিল, তা কাটিয়ে উঠে ইতোমধ্যেই চুক্তির সফল পূর্ণবাস্তবায়নে গতি ফিরে এসেছে।

নৃতাত্ত্বিক ও সাংস্কৃতিক বিশেষ ঐতিহ্যমণ্ডিত পার্বত্য অঞ্চলের সার্বিক উন্নয়নে সরকারের সংশ্লিষ্ট মন্ত্রণালয়, বিভাগ ও বিভিন্ন জাতীয় ও আন্তর্জাতিক সংস্থাসমূহ আন্তরিকভাবে কাজ করে চলেছে। পার্বত্য চট্টগ্রামের মানুষের সার্বিক কল্যাণ ও উন্নয়নে যুগান্তকারী এই চুক্তির পূর্ণ বাস্তবায়নে আমি সকলের সার্বিক সহযোগিতা কামনা করছি।

জয় বাংলা, জয় বঙ্গবন্ধু।
বাংলাদেশ চিরজীবী হউক।

সৈয়দা সাজেদা চৌধুরী, এমপি



بِسْمِ اللَّهِ الرَّحْمَنِ الرَّحِيمِ



প্রতিমন্ত্রী
পার্বত্য চট্টগ্রাম বিষয়ক মন্ত্রণালয়
গণপ্রজাতন্ত্রী বাংলাদেশ সরকার

বাণী

১৯৯৭ সালের ২ ডিসেম্বর তৎকালীন মাননীয় প্রধানমন্ত্রী জননেত্রী শেখ হাসিনার যোগ্য নেতৃত্বে কোনো তৃতীয় পক্ষের মধ্যস্থতা ছাড়াই গণপ্রজাতন্ত্রী বাংলাদেশ সরকার ও পার্বত্য চট্টগ্রাম জনসংহতি সমিতির মধ্যে পার্বত্য শান্তি চুক্তি স্বাক্ষরিত হয়। ঐতিহাসিক এ চুক্তির ১৯ বছর পূর্তিতে আমি পার্বত্যবাসীসহ দেশের শান্তিকামী সকল মানুষকে শুভেচ্ছা জানাই।

যুগান্তকারী এই চুক্তি স্বাক্ষরের পরই ১৯৯৮ সালে পার্বত্য চট্টগ্রাম বিষয়ক মন্ত্রণালয় এবং পার্বত্য চট্টগ্রাম আঞ্চলিক পরিষদ গঠনের মধ্য দিয়ে এর বাস্তবায়ন প্রক্রিয়া শুরু হয়। চুক্তির শর্ত অনুযায়ী দীর্ঘদিন বিরাজমান ভূমি সমস্যা সমাধানে ভূমি কমিশন ও শরণার্থী ও অভ্যন্তরীণ উদ্বাস্ত নিদ্রিষ্টকরণ ও পুনর্বাসন সংক্রান্ত টাস্কফোর্স গঠনসহ পিছিয়ে থাকা পার্বত্য চট্টগ্রামের জন্য বহুমুখী কার্যক্রম শুরু হয়। বর্তমানে উন্নয়নের এ ধারা আরো গতিশীল ও সুদৃঢ় হয়েছে।

ভূমি বিরোধ সমস্যা হচ্ছে পার্বত্য চট্টগ্রামের মূল সমস্যা। এ সমস্যা সমাধানে ভূমি বিরোধ নিষ্পত্তি কমিশন আইন-২০১৬ (সংশোধন) বিল মহান জাতীয় সংসদে পাস করা হয়েছে। পার্বত্য এলাকায় ভূমি বিরোধ নিষ্পত্তিকল্পে ভূমি কমিশন পুরোদমে কাজ শুরু করেছে। পার্বত্য চট্টগ্রাম চুক্তির ৭২ টি ধারার মধ্যে ৪৮টি ধারা সম্পূর্ণভাবে বাস্তবায়িত, ১৫ টি ধারা আংশিক এবং ৯টি ধারা বাস্তবায়নের প্রক্রিয়া চলমান রয়েছে।

তাছাড়া পার্বত্য এলাকায় স্বাস্থ্য, শিক্ষা, বিদ্যুৎ, ধর্মীয় তথা গ্রামীণ অবকাঠামো খাতে ব্যাপক উন্নয়ন ত্বরান্বিত হচ্ছে। শান্তি চুক্তির সফল বাস্তবায়নের মধ্য দিয়ে পার্বত্য চট্টগ্রাম এলাকায় সাম্প্রদায়িক সম্প্রীতি আর পারস্পরিক সহনশীলতার এক অনন্য দৃষ্টান্ত স্থাপন করে চলেছে।

শান্তি চুক্তি স্বাক্ষরিত হওয়ার ১৯ বছর পূর্তিতে আমি এ চুক্তির পূর্ণ বাস্তবায়নের জন্য সকলের একান্তিক সহযোগিতা এবং ইতিবাচক ও গঠনমূলক ভূমিকা কামনা করছি।

জয় বাংলা, জয় বঙ্গবন্ধু।

বীর বাহাদুর উশৈসিং, এমপি



بِسْمِ اللَّهِ الرَّحْمَنِ الرَّحِيمِ



সভাপতি
পার্বত্য চট্টগ্রাম বিষয়ক মন্ত্রণালয়
সম্পর্কিত সংসদীয় স্থায়ী কমিটি
বাংলাদেশ জাতীয় সংসদ

বাণী

পার্বত্য চট্টগ্রাম শান্তি চুক্তির ১৯ বছর পূর্তি উপলক্ষে একটি বিশেষ ক্রোড়পত্র প্রকাশিত হতে যাচ্ছে যেনে আমি খুবই আনন্দিত। এ চুক্তি স্বাক্ষরের সন্ধিক্ষণে পার্বত্য চট্টগ্রাম বিষয়ক মন্ত্রণালয় সম্পর্কিত স্থায়ী কমিটির পক্ষ থেকে শান্তি বাহিনীসহ সংশ্লিষ্ট সকলকে শুভেচ্ছা জানাচ্ছি।

পার্বত্য চট্টগ্রাম অঞ্চলের নাগরিকগণের রাজনৈতিক, সামাজিক, সাংস্কৃতিক, শিক্ষা ও অর্থনৈতিক অধিকার সমুন্নত এবং আর্থ-সামাজিক উন্নয়ন প্রক্রিয়া ত্বরান্বিত করাসহ সকল নাগরিকের অধিকার সংরক্ষণ ও উন্নয়নের লক্ষ্যে ২ ডিসেম্বর ১৯৯৭ সালে বাংলাদেশ আওয়ামী লীগ সরকারের সময়ে জাতির জনক বঙ্গবন্ধু কন্যা মাননীয় প্রধানমন্ত্রী জননেত্রী শেখ হাসিনার নেতৃত্বে এই ঐতিহাসিক পার্বত্য শান্তি চুক্তি সম্পন্ন হয়। প্রধানমন্ত্রী শেখ হাসিনার দূরদর্শী রাজনৈতিক প্রজ্ঞার কারণেই পার্বত্য চট্টগ্রাম অঞ্চলে শান্তির সুবাস বইতে শুরু করে। শান্তি চুক্তির সুবাদে দীর্ঘ রাজনৈতিক হানাহানি আর সশস্ত্র সংগ্রামের পরিবর্তে প্রতিস্থাপিত হয় পারস্পরিক আস্থা আর সহনশীলতা। বিগত জোট সরকারের সময় এ অঞ্চলে উন্নয়নের ক্ষেত্রে তেমন কোন অগ্রগতি হয়নি। জননেত্রী শেখ হাসিনার সরকারের আন্তরিক প্রচেষ্টায় ভূমি বিরোধ নিষ্পত্তি কমিশন আইন ২০১৬ (সংশোধন)সহ পার্বত্য শান্তি চুক্তির অধিকাংশ শর্তই ইতোমধ্যে বাস্তবায়িত হয়েছে এবং বাকিগুলো বাস্তবায়নের পথে।

আশা করছি ভবিষ্যতে এ উন্নয়নের অগ্রযাত্রা আরও দ্রুততার সাথে এগিয়ে যাবে। পার্বত্য অঞ্চলের অসুস্থান প্রাকৃতিক সৌন্দর্যের ন্যায় এ-অঞ্চলটি সমৃদ্ধ রাজনৈতিক, সামাজিক, অর্থনৈতিক ও সাংস্কৃতিক বৈচিত্র্যে ভরে উঠুক-এ প্রত্যাশা করছি।

আমি এ মহতী উদ্যোগকে স্বাগত জানাই।

জয় বাংলা, জয় বঙ্গবন্ধু।

র.আম উবায়দুল মোকতাদির চৌধুরী, এমপি



بِسْمِ اللَّهِ الرَّحْمَنِ الرَّحِيمِ



সচিব
পার্বত্য চট্টগ্রাম বিষয়ক মন্ত্রণালয়
গণপ্রজাতন্ত্রী বাংলাদেশ সরকার

বাণী

আরণ্য প্রকৃতির অনিন্দ্য নিসর্গ শোভায় স্বল্প রাঙ্গামাটি, খাগড়াছড়ি ও বান্দরবান এই তিন পার্বত্য জেলা নিয়ে পার্বত্য চট্টগ্রাম। ১৯৯৭ সনের ২ ডিসেম্বর তৎকালীন প্রধানমন্ত্রী বঙ্গবন্ধু কন্যা শেখ হাসিনার আন্তরিক উদ্যোগে ও প্রচেষ্টায় তাঁর উপস্থিতিতে পার্বত্য চট্টগ্রাম বিষয়ক জাতীয় কমিটি ও পার্বত্য চট্টগ্রাম জনসংহতি সমিতির মধ্যে এক ঐতিহাসিক চুক্তি স্বাক্ষরের মাধ্যমে দুই দশকের বৈশিষ্ট্য সময় ধরে চলমান রক্তক্ষয়ী সংঘাতের অবসানে পার্বত্য জনপদে ফিরে আসে শান্তি ও স্বস্তি। গঠিত হয় পার্বত্য চট্টগ্রাম বিষয়ক মন্ত্রণালয় ও পার্বত্য চট্টগ্রাম আঞ্চলিক পরিষদ, পুনর্গঠিত হয় তিন পার্বত্য জেলা পরিষদ। বাংলাদেশ সরকার ও উন্নয়ন সহযোগীদের আর্থিক ও কারিগরি সহায়তায় নেয়া হয় বিভিন্ন উন্নয়নমূলক কর্মসূচী। পার্বত্য চট্টগ্রাম চুক্তির সফল বাস্তবায়নের মাধ্যমে এই অঞ্চলে বসবাসকারী অনন্য সাংস্কৃতিক বৈচিত্র্যের অধিকারী ১১টি সম্প্রদায় ও বাংলাভাষী মানুষের জীবনে সূচিত হয়েছে দিন বদলে পোলা।

পার্বত্য চট্টগ্রাম বিষয়ক মন্ত্রণালয় শান্তি চুক্তির পরিপূর্ণ বাস্তবায়ন এবং সম্প্রীতি ও উন্নয়নের মেলবন্ধন রচনার মাধ্যমে তিন পার্বত্য জেলার মানুষের উন্নয়ন ও কল্যাণে নিরলসভাবে কাজ করে যাচ্ছে।

পার্বত্য চুক্তি স্বাক্ষরের ১৯তম বার্ষিকী সফল হোক এবং শান্তি ও উন্নয়নের অভিযাত্রা অব্যাহত থাকুক-এ কামনা করি।

নব বিক্রম কিশোর ত্রিপুরা, এনডিসি